

ԱՅԼ ԷՒ ԱՅԼԲ

ՀԱՅԿԱԿԱՆ ԱՌԵՒՏՐԱԿԱՆ ԲԱՐՁՐԱԳՈՅՆ ԴՊՐՈՑ ԿԱՅԻՐԷՈՒՄ

«Arménie» լրագիրը հաղորդում է, որ Եգիպտոսի նախ-
քին փոխարքայ Նուբար փաշայի որդի Պօղոս փաշա Նուբարը
իւր հաշուով Հայկական մի բարձրագոյն առևտրական Դպրոց
է բացել Կայիրէում, որ միակ հաստատութիւնն է իւր տեսա-
կի մէջ Եգիպտոսում: Բացի հայ լեզուից, այնտեղ պէտք է ա-
ւանդուեն արաբերէն, անգլիերէն և ֆրանսերէն լեզուներ, ինչ-
պէս պարտաւորեցուցիչ առարկաներ: Վարժարանում պիտի
ընդունուեն նաև օտարահպատակներ, որոնց համար հայերէն
լեզուի ուսումը պարտաւորական չէ: Ըստ կանոնադրութեան
դպրոցական խորհրդի մշտական անդամ են հիմնադիրը և նո-
րա որդիքը: Բացի սորանից, խորհրդի համար որոշ ժամանա-
կով ընտրուում են Կայիրէի հայ առաջաւորներից առ նուազն
չորս անդամ: Հիմնադրի կարգադրութեամբ, հայ ուսանողների
թւում, հայ-լուսաւորչականները պէտք է կազմեն երկու երրոր-
դից ոչ պակաս, իսկ օտարազգիներ-ուսանողների ընդհանուր
թուի մի քառորդից ոչ աւելի: Թոշակաւոր և որդեգիր կարող
են լինել միայն լուսաւորչեան, կաթոլիկ և բողոքական հայեր:
Հիմնադրի նպատակն է՝ այս դպրոցում խմբել ամեն կողմերի
հայ պատանեկութիւնը, որի համար Եգիպտոսի կլիմայական
պայմանները առանձնապէս նպաստաւոր են: Պօղոս փաշա Նուբարը
ըստ մասնագիտութեան ճարտարապետ է. նա ճանապարհների
հաղորդակցութեան և երկրագործութեան նախարար էր Եգիպ-
տոսում: Նա է գտել ելեքտրական գութանը, որի համար առա-
ջին մրցանակը ստացաւ Փարիզի աշխարհանշխուհի էքսպէրի-
մենտի վկայութեան հետ, որ այս գութանը ամենից լաւ է Աֆ-
րիկայում և Եւրոպայում գործադրուող գութանների մէջ. նա
ամենից մեծ ոյժ և արտադրութեան զօրութիւն է պարունա-
կում արտերը վարելու բամբակ ցանելու համար: